

Congregation of YHWH Jerusalem, Israel

Somo la 5: Maisha ya Muumini wa Kweli

Mizizi katika Agano la Kale

Wafalme, wakuu wa serikali na viongozi wengine wa serikali katika siku ya Mtume Paulo walitambua Umasihi kama mtindo wa maisha tofauti. Paulo, akifungwa nyumbani, alitetea njia yake ya maisha - njia ya Kimasihi - mbele ya Feliki, msimamizi wa Judea. Angalia majibu ya Feliki kwa maneno ya Paulo: "**Basi Feliki aliwaahirisha, kwa sababu alijua habari za Njia ile kwa usahihii zaidi** [kuondoa mbali hatua yoyote ya haraka]" (Matendo 24:22)

Mapema, Paulo alimwambia Feliki: "Ila neno hili naungama kwako ya kwamba kwa Njia ile ambayo waiita uzushi, ndivyo ninavyomwabudu Elohim wa baba zetu, nikiyaamini yote yanayopatana kwa Torati na yaliyoandikwa na manabii [ambayo ni sehemu ya kile kinachoitwa Agano la Kale sasa]". (**Aya 14**).

Ya muhimu kuelewa ni hii: Njia ya maisha ya Muumini wa kweli ina mizizi yake katika Agano la Kale. Imeimarishwa katika Amri Kumi, pamoja na sheria zingine za Yahweh, ambazo zinategemea kanuni za "kumi za msingi."

Sheria Kuu ya Yahweh kama kiwango

Sifa ya Yahweh, kamili ya kiroho inaweza kufupishwa katika neno moja pendo. Kwa kuwa Yahweh ni Pendo (1 Yohana 4:8,16), Waamini wa kweli wanapaswa kukua katika upendo wake.

Biblia inaelezea upendo wa Elohim kwa ajili yetu

1 Yohana 5.3 Kwa maana huku ndiko kumpenda Elohim, kwamba tuzishike amri zake; wala amri zake si nzito.

Mtume Yakobo alitaja Amri Kumi kama sheria ya kiufalme ya uhuru (Yakobo 2:8-12). Hiyo ni kwa sababu huwatia huru wale wanaoshika kutoka njia za utumwa za kuumiza za dunia hii. Amri kumi zinaonyesha upendo mkubwa Yahweh anao kwa watoto wake.

Kabla ya kusulubishwa, Yahshua Masihi aliwaambia wanafunzi wake: "Mkizishika amri zangu, mtakaa katika pendo langu; kama vile mimi nilivyozishika amri za Baba yangu na kukaa katika pendo lake". (Yohana 15:10). Upendo wa Yahweh na sheria yake inakubaliana kikamilifu.

Hazipingani, kama wengine wanaamini kimakosa. Vile Yahshua alisema waziwazi,

Yohana 14.15 Mkinipenda, mtazishika amri zangu.

Ni nani Muumini wa kweli?

Yahshua aliezea msingi wa kile maisha ya muumini halisi inafaa kuwa, kwa mafundisho iitwaye Mahubiri ya Mlimani (Mathayo mlango wa 5-7). Mahubiri haya kweli yalianza kama somo la faragha kwa wanafunzi wake. Yahshua alisema sifa hizo ambazo zingekuwa wazi wazi wafuasi wake wa kweli wawe nazo. Kabla ya kuzingatia tabia kadhaa za muumini wa kweli, unapaswa kwanza kusoma kitabu cha Mathayo 5, 6 na 7.

1) Je! Yahshua alisema nini kuhusu "maskini wa roho"?

Mathayo 5.3 Heri walio maskini wa roho; Maana ufalme wa mbinguni ni wao.

Je! alikuwa na maana ya kuwa hawana Roho wa Elohim?

Warumi 8.9 Lakini ikiwa Roho wa Yahweh anakaa ndani yenu, ninyi hamwufuati mwili; bali mwaifuata roho. Lakini mtu awaye yote asipokuwa na Roho wa Masihi, huyo si wake. Soma tena Luka 11:13.

MAELEZO: Hapana, Yahshua hakupendekeza kuwa hawatakuwa na Roho wa Elohim. Badala yake, aliendelea kuonyesha kwamba wale ambao ni wanyenyekevu kweli watabarikiwa kwa sababu watakuwa yu sehemu ya ufalme wa Yahweh.

2) Wanyenyekevu watapata urithi gani?

Mathayo 5.5 Heri wenyewe upole; Maana hao watairithi nchi.

Je, Yahshua alikuwa mpole? Mathayo 11:29. Je! Muumini wa kweli ataonyesha tabia ya upole vile anaendesha maisha yake ya kila siku?

Waefeso 4.1 Kwa hiyo nawasihi, mimi niliye mfungwa katika Mwokozi, mwenende kama inavyoustahili wito wenu mlioitiwa;

Waefeso 4.2 kwa unyenyekevu wote na upole, kwa uvumilivu, mkichukuliana katika upendo;

MAELEZO: Kuna tofauti kati ya kuwa mpole na kuwa dhaifu. Yahshua alikuwa mpole, lakini sio dhaifu. Alivumilia unyanyasaji na kuumizwa kwa uvumilivu na bila hasira.

Mtu mpole hajaribu kujihesabia haki wakati anapokuwa na makosa. Wala hajisikii kuwa mkuu kuliko wengine. Hatariblu kupata usawa na wengine, wala kujaribu kulipiza kisasi.

3) Je! Mfuasi wa Masihi - Muumini wa kweli - anfaa kuwa na "kiu" ya nini?

Mathayo 5.6 Heri wenyewe njaa na kiu ya haki; Maana hao watashibishwa.

4) Nini maana ya haki katika Biblia?

Zaburi 119: 172 Ulimi wangu na uiimbe ahadi yako, Maana maagizo yako yote ni ya haki.

MAELEZO: Kuwa na "Njaa na kiu" kwa ajili ya haki ni kusisitiza sana kumtii Yahweh - kushika sheria zake, ambazo alitupa kwa upendo kwa manufaa yetu wenyewe.

Wale ambao wana njaa na kiu ya haki watajifunza Neno la Yahweh waelewe kwa kweli. Wao watakuwa tayari kubadilika wakati wanapogundua wamekosea kwa waliokuwa wakiamini, makosa yao na dhambi zao. "Jitahidi kujionyesha kuwa umekubaliwa na Elohim" (II Tim.2:15), Paulo aliandikia Timotheo. "Jaribuni mambo yote" (I Thess.5:21), Paulo aliwaambia Wathesolonike.

5) Je! Yahshua alisema nani atakaingia katika Ufalme wa Yahweh?

Mathayo 7.21 Si kila mtu aniambiaye, Mwokozi, Mwokozi, atakayeingia katika ufalme wa mbinguni; bali ni ye ye afanyaye mapenzi ya Baba yangu aliye mbinguni.

MAELEZO: Ona kwamba ili kuingia ufalme wa Yahweh, kunahitajika kutenda- si tu kukiri Yahshua kama Mwokozi wetu. Yahweh anatoa wazi kuwa hatuwezi kuingia ufalme wa Yahweh tu kwa kufikiria Masihi amefanya yote kwa ajili yetu. Vifungu vilivyobaki katika Mahubiri mlimani hupanua na kuongeza Zaidi jinsi maisha ya Muumini wa kweli unafaa. Kuwa.

6) Je, Muumini wa kweli anafaa kujitahidi "kutembea" kama Masihi aliviyotembea?

I Petro 2.21 Kwa sababu ndio mlioitiwa; maana Masihi naye aliteswa kwa ajili yenu, akawaachia kielelezo, mfuate nyayo zake.

1 Yohana 2.6 Yeye asemaye ya kuwa anakaa ndani yake, imempasa kuenenda mwenyewe vile vile kama yeye alivyoenenda.

7) Amri ya Yahweh kwa Ibrahimu ilikuwa nini?

Mwanzo 17:1 Abramu alipokuwa mtu wa miaka tisini na kenda, Yahweh akamtokea Abramu, akamwambia, Mimi ni Elohim Mwenyezi, uende mbele yangu, ukawe mkamilifu.

Kwa nini inasema kwamba kweli alitembea na Yahweh?

Mwanzo 26:5 Kwa sababu Ibrahimu alisikia sauti yangu, akayahifadhi maagizo yangu, na amri zangu, na hukumu zangu, na sheria zangu.

Waebraania 11.8 Kwa imani Ibrahimu alipoitwa aliitika, atoke aende mahali pale atakapopapata kuwa urithi; akatoka asijue aendako.

Waebraania 11.9 Kwa imani alikaa ugenini katika ile nchi ya ahadi, kama katika nchi isiyo yake, akikaa katika hemu pamoja na Isaka na Yakobo, warithi pamoja naye wa ahadi ile ile.

Waebraania 11.10 Maana alikuwa akiutazamia mji wenye misingi, ambao mwenye kuubuni na kuujenga ni Yahweh.

Ibrahimu alitembea pamoja na Yahweh kwa sababu alikaa karibu na Yahweh kuititia utiifu wa neno lake.

Wengi wanafikiri tunapofanya dhambi Baba wetu wa mbinguni anatukataa; sio hivyo. Dhambi hututenganisha na Yahweh tusiweze tena kusikia sauti ndogo na kisha kuanza kuamua kwa nafsi zetu tena ni nini kilicho sahihi na kibaya.

Torati ya Yahweh ni baraka kwa Mwanadamu kutoka kwa Muumba wake katuonyesha kilicho sahihi na kibaya. Tunahitaji kufanya mamia ya maamuzi kila siku kwa kila jambo, kama saa ya kuamka, cha kufaa na hata chakula. Torati ya Yahweh inatuonyesha ni maamuzi gani ya kufanya ili tuwe na furaha na afya na hata wale walio karibu nasi. Muumini wa kweli anataka uhusiano huu wa karibu wa kuwa karibu na Baba wetu wa Mbinguni kuititia neno lake.

8) Je! Yahweh alikuwa rafiki na mshiriki wa Ibrahimu?

Yakobo 2.23 Maandiko yale yakatimizwa yaliyonena, Ibrahimu aliMuumini Elohim, ikahesabiwa kwake kuwa ni haki; naye aliitwa rafiki wa Elohim.

Kuititia utiifu ya kila neno kutoka kinywa cha Yahweh tunamwonyesha kuwa tuna imani 100% katika neno lake na kuMuumini 100% kwa mapenzi yake katika maisha yetu.

9) Je, tunawezaje pia kuwa marafiki wa Yahshua?

Yohana 15.14 Ninyi mmekuwa rafiki zangu, mkitenda niwaamuruyo.

10) Je, mtazamo wa Muuminifu wa kweli itakuwa nini kwa jamii ya dhambi inayomzunguka?

1 Yohana 2.15 Msipiende dunia, wala mambo yaliyomo katika dunia. Mtu akiipenda dunia, kumpenda Baba hakumo ndani yake.

1 Yohana 2.16 Maana kila kilichomo duniani, yaani, tamaa ya mwili, na tamaa ya macho, na kiburi cha uzima, havitokani na Baba, bali vyatokana na dunia.

1 Yohana 2.17 Na dunia inapita, pamoja na tamaa zake, bali yeye afanyaye mapenzi ya Yahweh adumu hata milele.

1 Petro 4.1 Basi kwa kuwa Masihi aliteswa katika mwili wake, ninyi nanyi jivikeni silaha ya nia ile ile; kwa maana yeye aliyeswa katika mwili ameachana na dhambi.

1 Petro 4.2 Tangu sasa msiendelee kuishi katika tamaa za wanadamu, bali katika mapenzi ya Elohim, wakati wenu uliobaki wa kukaa hapa duniani.

1 Petro 4.3 Maana wakati wa maisha yetu uliopita watosha kwa kutenda mapenzi ya Mataifa; kuenenda katika ufisadi, na tamaa, na ulevi, na karamu za ulafi, na vileo, na ibada ya sanamu isiyo halali;

1 Petro 4.4 mambo ambayo wao huona kuwa ni ajabu ya ninyi kutokwenda mbio pamoja nao katika ufisadi ule ule usio na kiasi, wakiwatukana.

11) Je, atakuwa akijitahidi kuishi kwa namna gani?

Mathayo 4.4 Naye akajibu akasema, Imeandikwa, Mtu hataishi kwa mkate tu, ila kwa kila neno litokalo katika kinywa cha Yahweh.

Je! Hii ni tofauti na yale ambayo Yahweh alisema katika Agano la Kale?

Kumb. La Torati 8:1 Amri hii ninayokuamuru leo mtaishika kuitenda, mpate kuishi na kuongezeka, na kuingia katika nchi ile ambayo Yahweh aliwaapia baba zenu; nanyi mtaimiliki. **Kumb.8:2** Nawe utaikumbuka njia ile yote Yahweh, Elohim wako aliyekuongoza miaka hii arobaini katika jangwa, ili akutweze, kukujaribu kuyajua yaliyo moyoni mwako, kwamba utashika amri zake, au sivyo.

Kumb. 8:3 Akakutweza, akakuacha uone njaa, akakulisha kwa mana, usiyojua wewe wala baba zako hawakujua; apate kukujulisha ya kuwa mwanadamu haishi kwa mkate tu, bali huishi kwa kila litokalo katika kinywa cha Yahweh.

MAELEZO: Yahweh habadiliki (**Mal. 3:6**) na amri yake ni sifa yake asili. Hivyo ikiwa ni Agano la Kale au Agano Jipyä sheria yake ya milele inayotokana na sifa yake ya upendo ingeendelea sawa isipokuwa kwa dhabihu za wanyama ambazo ziliongezwa kwa sababu ya makosa (**Wagalatia 3:19**). Muumini halisi atataka kufuata neno la Yahweh katika kila kitu ambacho sasa limeimarishwa kwa njia ya Roho Mtakatifu ndani yake na hawataweza tena kufuutilia mila na mazoea yote ya jamii karibu naye. Ambapo hapo awali "alienda pamoja na umati wa watu," bila kufikiria kushiriki katika shughuli mbalimbali za jamii na mazoea ya biashara, sasa ataanza kuhoji mtindo wake wa maisha. Yeye ataanza kuuliza; "Je, mapenzi ya Elohim ni nini? Yahweh asema ni lazima niishi vipi?" Ataanza kusema kama Masihi wake alivyofanya:

"Hata hivyo sio mapenzi yangu, bali mapenzi yako yatendeke." Naye ataanza kutafuta kwa uangalifu Neno la Yahweh kujifunza mapenzi ya Yahweh na kufuata.

Bila shaka, watu wa Yahweh wanapaswa kuishi katika ulimwengu huu (**Yohana 17:15-16**). Na wakati wakijitahidi kutii kikamilifu Yahweh - si kuzingatia njia za dunia hii (**Warumi 12:1-2**) - wanapaswa kujitahidi "kuishi kwa amani na watu wote (**aya 18**). Kama muumini anapaswa kutokubaliana kwa sababu ya mafundisho ya kibiblia, anafanya hivyo bila kuwa mgavi au kuhesabia haki.

12) Waumini wana wajibu gani zaidi juu ya ulimwengu?

Mathayo 5.14 Ninyi ni nuru ya ulimwengu. Mji hauwezi kusitirika ukiwa juu ya mlima.

Mathayo 5.15 Wala watu hawawashi taa na kuiweka chini ya pishi, bali juu ya kiango; nayo yawaangaza wote waliomo nyumbani.

Mathayo 5.16 Vivyo hivyo nuru yenu na iangaze mbele ya watu, wapate kuyaona matendo yenu mema, wamtukuze Baba yenu aliye mbinguni.

MAELEZO: Yahshua kwa kusema "si wa Ulimwengu" katika **Yohana 17:16** ina maana, watu hao na Wanawake wa Yahweh ambao wana Roho Mtakatifu na maarifa wa ukweli wa Yahweh wana wajibu kuwa "taa" za kuangaza duniani. Watu wa Yahweh wanapaswa kuonyesha "matunda," au sifa, za Roho Mtakatifu wa Yahweh katika maisha yao ya kila siku. Wanapaswa kufikia walio nje kwa urafiki na kwa kusaidia majirani zao na wale wanaowasiliana kila siku. Watu ambao hawajaitwa na

Elohim watahimizwa wanavyoona akili na tabia kidogo ya Yahweh katika kazi kupitia mfano uliowekwa na Waumini binafsi.

13) Je Elohim anamwita mtu ambaye anadai "kujua" Yahshua Masihi, lakini anakataa kutembea kwa Njia zake - anakataa kuzishika amri zake?

1 Yohana 2:4 Yeye asemaye, Nimemjua, wala hazishiki amri zake, ni mwongo, wala kweli haimo ndani yake.

Isaya 8:20 Na waende kwa sheria na ushuhuda; ikiwa hawasemi sawasawa na neno hili, bila shaka kwa hao hapana asubuhi.

Je! Muumini halisi anafanya nini?

1 Yohana 2:3 Na katika hili twajua ya kuwa tumemjua yeye, ikiwa tunashika amri zake.

1 Yohana 2:5 Lakini yeye alishikaye neno lake, katika huyo upendo wa Yahweh umekamilika kweli kweli. Katika hili twajua ya kuwa tumo ndani yake.

1 Yohana 2:6 Yeye asemaye ya kuwa anakaa ndani yake, imempasa kuenenda mwenyewe vile vile kama yeye alivyoenenda.

MAELEZO: Muumini wa Kweli ametubu kwa dhati dhambi zake na anajitahidi, kwa msaada wa Roho Mtakatifu wa Yahweh, kuishi kwa mafundisho ya Mwokozi wake. Anatafuta kufanya mapenzi ya Elohim kwa kila kipengele cha maisha yake kama ilivyofunuliwa katika Biblia na anajaribu kwa njia yoyote ya kuwaoyesha wokovu kwa wengine na kusaidia kueneza habari njema ya Yahweh ya kuwakomboa Wana wa Israeli.

Yahshua Masihi alihubiri ujumbe wa Ufalme wa Yahweh. Alitangaza: "Tubuni, na muamini Injili" (**Marko 1:15**).

Mara kwa mara Biblia inafundisha toba kutoka kwa dhambi, ambayo ndiyo kuvunja sheria kubwa ya kiroho ya Yahweh (**1 Yohana 3:4**), ambayo imejumlishwa katika kanuni 10 kuu - Amri Kumi.

Kama tulivyojifunza katika utafiti wetu wa Biblia, toba ni hatua ya kwanza kuelekea wokovu. Kabla Yahweh atatusamehe dhambi zetu, tunapaswa kutubu (kuacha) kuvunja sheria yake. "Mche Elohim, nawe uzishike amri zake, Maana kwa jumla ndiyo impasayo mtu" (**Mhubiri 12:13**). Sasa hebu tutathmini mambo kadhaa muhimu kuhusu Amri Kumi, na tutazama jinsi yanavyohusu njia ya Muumini maishani.

Unaweza kupata Amri Kumi zote zilizoorodheshwa katika Kitabu cha **Kutoka 20:1-17** na **Kumbukumbu la Torati 5:6-21**.

14) Je, mzee Ibrahim - "baba" wa waaminifu (**Warumi 4:16**) - alifikiri ilikuwa muhimu kuzishika Amri za Yahweh?

Mwanzo 26:5 Kwa sababu Ibrahimu alisikia sauti yangu, akayahifadhi maagizo yangu, na amri zangu, na hukumu zangu, na sheria zangu.

Je, Daudi alikuwa na mtazamo gani kuhusu kuzishika sheria ya Yahweh? Soma Zaburi 119 yote.

Zaburi 19:7 Sheria ya Yahweh ni kamilifu, Huiburudisha nafsi. Ushuhuda wa Yahweh ni amini, Humtia mjinga hekima.

Zaburi 19:8 Maagizo ya Yahweh ni ya adili, Huufurahisha moyo. Amri ya Yahweh ni safi, Huyatia macho nuru.

Zaburi 19:9 Kicho cha Yahweh ni kitakatifu, Kinadumu milele. Hukumu za Yahweh ni kweli, Zina haki kabisa.

Zaburi 19:10 Ni za kutamanika kuliko dhahabu, Kuliko wingi wa dhahabu safi. Nazo ni tamu kuliko asali, Kuliko sega la asali.

Zaburi 19:11 Tena mtumishi wako huonywa kwazo, Katika kuzishika kuna thawabu nyingi.

MAELEZO: Wote Ibrahimu na Daudi walikuwa watanza Torati. Walikuwa na heshima kubwa kwa sheria ya Yahweh. Daudi aliandika; “Sheria yako naipenda mno ajabu!, Ndiyo kutafakari kwangu mchana kutwa” (**Zaburi 119:97**). Mazoea kwa Daudi kila siku ilikuwa kutafakari na kujifunza sheria ya Yahweh. Ilikuwa taa ya miguu yake na nuru kwa njia yake (**aya 105**). Kudumisha kwake amri za Elohim kulimfanya awe mwenye hekima kuliko adui zake (**aya 98**).

Katika Zaburi hii yote, Daudi alitangaza jinsi alivyopenda sheria ya Elohim na kuitumia kama mwongozo katika maisha yake.

15) Je, Masihi Yahshua alizishika Torati?

Yohana 15.10 Mkizishika amri zangu, mtakaa katika pendo langu; kama vile mimi nilivyozishika amri za Baba yangu na kukaa katika pendo lake.

Je, aliwafundisha wengine kuzishika?

Mathayo 5.17 Msidhani ya kuwa nalikuja kuitangua torati au manabii; la, sikuja kutangua, bali kutimiliza.

Mathayo 5.18 Kwa maana, amin, nawaambia ,Mpaka mbingu na nchi zitakapoondoka,yodi moja wala nukta moja ya torati haitaoondoka ,hata yote yatimie.

Mathayo 5.19 Basi mtu ye yote atakayevunja amri moja katika hizi zilizo ndogo, na kuwafundisha watu hivyo, ataitwa mbaya kabisa katika ufalme wa mbinguni; bali mtu atakayezitenda na kuzifundisha, huyo ataitwa mkubwa katika ufalme wa mbinguni.

Mathayo 19.16 Na tazama, mtu mmoja akamwendea akamwambia, Mwalimu, nitende jambo gani jema, ili nipate uzima wa milele?

Mathayo 19.17 Akamwambia Kwani kuniuliza habari ya wema? Aliye mwema ni mmoja, Yahweh! Lakini ukitaka kuinga katika uzima, zishike amri.

MAELEZO: Aya hizi katika Mathayo 19 zinaonyesha wazi kwamba Yahshua anamaanisha Amri kumi. Hakuna ambapo katika Agano la Kale au Jipya linasema kuwa mwanafunzi wa kweli wa Yahweh ameruhusiwa kwa kusudi kuvunja amri za Yahweh; ni kinyume.

Waembrania 10.26 Maana, kama tukifanya dhambi kusudi baada ya kuupokea ujuzi wa ile kweli, haibaki tena dhabihu kwa ajili ya dhambi;

Waembrania 10.27 bali kuna kuitazamia hukumu yenyе kutisha, na ukali wa moto ulio tayari kuwala wao wapingao.

Waembrania 10.28 Mtu aliyeidharau sheria ya Musa hufa pasipo huruma, kwa neno la mashahidi wawili au watatu.

Waembrania 10.29 Mwaonaje? Haikumpasa adhabu iliyo kubwa zaidi mtu yule aliyemkanyaga Mwana wa YAHWEH, na kuihesabu damu ya agano aliyotakaswa kwayo kuwa ni kitu ovyo, na kumfanyia jeuri Roho wa neema?

16) Je! Biblia inaonyesha kwamba Kusanyiko wa Yahshua aliyoijenga utafundisha utiifu wa Torati na maagizo mengine ya Yahshua?

Mathayo 28.19 Basi, enendeni, mkawafanye mataifa yote kuwa wanafunzi, mkiwabatiza kwa jina la Baba, na Mwana, na Roho Mtakatifu;

Mathayo 28.20 na kuwafundisha kuyashika yote niliyowaamuru ninyi; na tazama, mimi nipo pamoa nanyi siku zote, hata ukamilifu wa dahari. Amina.

1 Yohana 5.3 Kwa maana huku ndiko kumpenda Yahweh, kwamba tuzishike amri zake; wala amri zake si nzito.

17) Je, Yahshua alifafanuaje utekelezaji wa Amri Kumi?

Mathayo 5.21 Mmesikia watu wa kale walivyoambiwa, Usiue, na mtu akiua, itampasa hukumu.

Mathayo 5.22 Bali mimi nawaambieni, Kila amwoneaye ndugu yake hasira itampasa hukumu; na mtu akimfyolea ndugu yake, itampasa baraza; na mtu akimwapiza, itampasa jehanum ya moto.

Mathayo 5.27 Mmesikia kwamba imenenwa, Usizini;

Mathayo 5.28 lakini mimi nawaambia, Kila mtu atazamaye mwanamke kwa kumtamani, amekwisha kuzini naye moyoni mwake.

Je, Yohana na Paulo walielewa kanuni hii ya kiroho ya Torati?

1 Yohana 3.15 Kila amchukiaye ndugu yake ni mwuaji: nanyi mnajua ya kuwa kila mwuaji hana uzima wa milele ukikaa ndani yake.

Warumi 7.14 Kwa maana twajua ya kuwa torati asili yake ni ya rohoni; bali mimi ni mtu wa mwilini, nimeuzwa chini ya dhambi.

MAELEZO: Yahshua hakuja kuitangua Torati (**Mathayo 5:17**). Badala yake, alikuja kufundisha na kuonyesha kwa mfano jinsi ya kuishi kwa nia ya kiroho ya sheria ya Elohim. Yahweh amefanya Roho wake Mtakatifu uwepo kwa wale wanaowaita. Anataka kwamba waumini wamfuate kwa kusudi la kiroho-ukamilifu-wa sheria yake. Ili kuhakikisha wanafunzi wake kwa miaka yote walielewa njia hii mpya, "kutukuzwa" (**Isa. 42:21**) ya kutunza sheria, Yahshua alichagua amri zinazozuia mauaji na uzinzi kama mifano ya wazi. Alifundisha kuwa sasa sio tu kujiepusha na vitendo vya kimwili vya mauaji na uzinzi tu, lakini pia kuepukana na chuki na tamaa za ngono katika mawazo yetu pia.

Chuki dhidi ya mwanadamu mwingine ni roho ya mauaji. Tamaa ya ngono ni roho ya uzinzi. Yahshua alionyesha jinsi amri za Yahweh zinavyotumika kwa mawazo yetu ya ndani na mitazamo. Hebu tuangalie jinsi tunaweza kuzishika nia ya kiroho ya sheria ya Yahweh.

18) Je, Masihi alifupishaje amri kuu zaidi ya Torati ya Yahweh?

Mathayo 22.36 Mwalimu, katika torati ni amri ipi iliyo kuu?

Mathayo 22.37 Akamwambia, Mpende Yahweh Elohim wako kwa moyo wako wote, na kwa roho yako yote, na kwa akili zako zote.

Mathayo 22.38 Hii ndiyo amri iliyo kuu, tena ni ya kwanza.

Mathayo 22.39 Na ya pili yafanana nayo, nayo ni hii, Mpende jirani yako kama nafsi yako.

Mathayo 22.40 Katika amri hizi mbili hutegemea torati yote na manabii.

Ni nini sifa ya msingi ya asili ya Yahweh na sifa yake?

1 Yohana 4.8 Yeye asiyependa, hakumjua Yahweh, kwa maana Yahweh ni upendo.

1 Yohana 4.16 Nasi tumelifahamu pendo alilo nalo Elohim kwetu sisi, na kuliamini. Yahweh ni upendo, naye akaaye katika pendo, hukaa ndani ya Yahweh, na Yahweh hukaa ndani yake.

MAELEZO: Huwezi "kupata" wokovu wako kwa kuzingatia amri au sheria nyingine yoyote ya Elohim. Uzima wa milele ni zawadi kutoka kwa Yahweh. Hakuna mtu anayeweza kupata uzima wa milele katika maisha 10,000 ya kuweka Amri.

Lakini pia huwezi kuingia katika uzima wa milele kama mvunja sheria (**Warumi 6:23**). Yahshua waziwazi na alithibitisha wazi kwamba waamini wa kweli wanapaswa kufuata mapenzi ya Yahweh (**Mathayo 7:21**) na kutegemea huruma ya Yahweh kutumia dhabihu ya Yahshua kwa niaba yao wakati wanapo pungukiwa, na kama wao wanatupu (**1 Yohana 1:7-9**).

Kwa kuwa Yahweh ni upendo, Yahshua alionyesha kuwa nia yote ya kiroho na kusudi la sheria ya Yahweh ni upendo. Amri nne za kwanza za Amri Kumi zinaonyesha jinsi ya kumpenda Yahweh, na zile sita za mwisho zinatuonyesha jinsi ya kumpenda jirani wetu - wanadamu wote.

19) Je, Andiko linasema nini jinsi Muumini wa kweli ataonyesha upendo huu?

Yakobo 1.27 Huduma iliyo safi, isiyo na taka mbele za Yahweh Baba ni hii, Kwenda kuwatazama yatima na wajane katika dhiki yao, na kujilinda na dunia pasipo mawaa.

Mathayo 25.34 Kisha Mfalme atawaambia wale walioko mkono wake wa kuume, Njoni, mliobarikiwa na Baba yangu, urithini ufalme mliowekewa tayari tangu kuumbwa ulimwengu;
Mathayo 25.35 kwa maana nalikuwa na njaa, mkanipa chakula; nalikuwa na kiu, mkaninywesha; nalikuwa mgeni, mkanikaribisha;

Mathayo 25.36 nalikuwa uchi, mkanivika nalikuwa mgonjwa, mkaja kunitazama; nalikuwa kifungoni, mkanijia.

Mathayo 25.37 Ndipo wenyе haki watakapomjibu, wakisema, Mwokozi, ni lini tulipokuona una njaa, tukakulisha, au una kiu tukakunywesha?

Mathayo 25.38 Tena ni lini tulipokuona u mgeni, tukakukaribisha, au u uchi, tukakuvika?

Mathayo 25.39 Ni lini tena tulipokuona u mgonjwa, au kifungoni, tukakujia?

Mathayo 25.40 Na Mfalme atajibu, akiwaambia, Amin, nawaambia, kadiri mlivyomtendea mmojawapo wa hao ndugu zangu walio wadogo, mlinitendea mimi.

Je! Kuna zaidi ya kujitolea kwa Yahweh kuliko kumtii amri zake kama Muumini wa Kweli?

Mathayo 19.17 Akamwambia Kwani kuniuliza habari ya wema? Aliye mwema ni mmoja. Lakini ukitaka kuingia katika uzima, zishike amri.

Mathayo 19.18 Akamwambia, Zipi? Yahshua akasema, Ni hizi, Usiue, Usizini, Usiibe, Usishuhudie uongo,

Mathayo 19.19 Waheshimu baba yako na mama yako, na, Mpende jirani yako kama nafsi yako.

Mathayo 19.20 Yule kijana akamwambia, Haya yote nimeyashika; nimepungukiwa na nini tena?

Mathayo 19.21 Yahshua akamwambia, Ukitaka kuwa mkamilifu, enenda ukauze ulivyo navyo, uwape maskini, nawe utakuwa na hazina mbinguni; kisha njoo unifuate.

Mathayo 10.37 Apendaye baba au mama kuliko mimi, hanistahili; wala apendaye mwana au binti kuliko mimi, hanistahili.

Mathayo 10.38 Wala mtu asiyechukua mti wake wa mateso akanifuata, hanistahili.

Mathayo 10.39 Mwenye kuiona nafsi yake ataipoteza; naye mwenye kuipoteza nafsi yake kwa ajili yangu ataiona.

Luka 12.33 Viuzeni mlivyo navyo, mtoe sadaka. Jifanyieni mifuko isiyochakaa, akiba isiyopungua katika mbingu, mahali pasipokaribia mwivi, wala nondo haharibu.

Luka 12.34 Kwa kuwa hazina yenu ilipo, ndipo itakapokuwapo na miyo yenu.

Mathayo 16.24 Wakati huo Yahshua aliwaambia wanafunzi wake, Mtu ye yote akitaka kunifuata, na ajikane mwenyewe, ajitwike mti wake wa mateso, anifuata.

Mathayo 16.25 Kwa kuwa mtu atakaye kuiokoa nafsi yake, ataipoteza; na mtu atakayepoteza nafsi yake kwa ajili yangu, ataiona.

Muumini wa kweli ana jukumu kubwa la kuishi maisha yake yote kwa Yahweh na Yahshua, kwa kukubali sadaka ya damu ya Yahshua na kuingia katika uhusiano wa agano, sisi sasa ni wake. Hatuwezi tena kutafuta tamaa za kidunia za wanadamu wa kimwili, ingawa hakuna kitu kibaya na baraka, ikiwa kweli Yahweh anatubariki nazo. Funguo ni (**Mathayo 6:33**) kutafuta kwanza Ufalme na Baba wetu wa Mbinguni atatupa zingine. Dhamira yetu ya kwanza na ya lazima kabisa ni kumtumikia yeye na watoto wake. Tuna wajibu si tu kutii amri zake tu bali kutafuta na kuwapa wale ndugu na dada wanaohitaji, hasa wagonjwa na wajane na yatima.

KUMBUKA:

- 1) Yahweh na Torati yake (sheria) hazibadilika na kama waumini wa kweli tunapaswa kutia bidii kumtii katika vitu vyote ili kukaa karibu na Yahweh na kuwa na maisha yenye furaha iliyotimizika.
- 2) Muumini wa kweli atavaa utakatifu na kutoshiriki katika shughuli za kidunia.
- 3) Muumini wa kweli atasaidia maskini na wasiojiweza na kuishi maisha ya upendo.

Congregation of Yahweh Jerusalem, Israel

www.coyhwh.com